

Ekipo Arubano ta gana prome luga den competencia na Puerto Rico



PUERTO RICO – Aruba su delegacion di bowling a competi den e torneo Jose Luis Carde na San Juan, Puerto Rico. Aruba ta representa pa e hunga-

donan Renald Thiel, Yannick Roos, Kaelan Roos y Jared Felipa.

Esaki ta e di 22 edicion di e competencia aki, y pa Aruba, esaki ta su di 5 aña ta participa.

E duo di e bolicheronan Renald Thiel y Yannick Roos ta logra e premio maximo den doubles pa Aruba mientras e duo Kaelan Roos y Jared Felipa ta logra un di tres luga. Un poco mas tempran e hoben Yannick Roos ta logra triunfa cu e prome luga den e Strike derby. E atletanan di bowling Aruba sigur a haci un impacto durante e torneo Caribeño Paradise Kids Jose Luis “Chegui” Carde.

Despues di prome dia, team u15 y u20 a keda na di dos luga. Diamars den final, e ekipo di Aruba a haci nan



best pero no por a logra ocupa e prome luga y ta keda na di dos luga den tur dos categoria.

E delegacion ta satisfecho cu e logro aki como cu por mira cu un biaha mas hungado ta biaha pa competi den un torneo internacional pa prome

biaha y cay den premiacion. Cual ta caso di e hoben Kaelan Roos cu a demostra su clase unico como bolichero. E torneo aki ta conoci pa ta uno di nivel halto unda cu seleccionnan di cada club di bowling di diferente municipio na Puerto Rico ta participa.